

Policija u Živinicama oduzela oružje i municiju

Tokom pretresa pronađeni su predmeti koji se mogu dovesti u vezu sa krivičnim djelima iz člana 371. Krivičnog zakona Federacije Bosne i Hercegovine – Nedozvoljeno držanje oružja ili eksplozivnih materija, kao i člana 73. Zakona o oružju i municiji Tuzlanskog kantona, koji se odnosi na neovlašteno nabavljanje, posjedovanje, držanje, nošenje i promet oružja, njegovih dijelova i municije

DeSk / 17. 02. 2026. / Crna Hronika, Izdvajamo, Vijesti



(Policija u Živinicama oduzela oružje i 14 patrona – Foto: Ilustracija)

Policijski službenici Odjeljenja kriminalističke policije Policijske uprave Živinice izvršili su 12. februara pretres kuće, pomoćnih objekata i motornog vozila koje koristi F.S. iz Živinica, postupajući po naredbi Općinskog suda.

Tokom pretresa pronađeni su predmeti koji se mogu dovesti u vezu sa krivičnim djelima iz člana 371. Krivičnog zakona Federacije Bosne i Hercegovine – Nedozvoljeno držanje oružja ili eksplozivnih materija, kao i člana 73. Zakona o oružju i municiji Tuzlanskog kantona, koji se odnosi na neovlašteno nabavljanje, posjedovanje, držanje, nošenje i promet oružja, njegovih dijelova i municije.

Prema informacijama iz policije, oduzeti su puška, pištolj i 14 komada puščanih patrona.

O poduzetim mjerama obaviješteno je Kantonalno tužilaštvo Tuzlanskog kantona, a pronađeni predmeti su privremeno oduzeti radi potrebnih vještačenja.

Nakon kompletiranja dokumentacije i prikupljanja svih relevantnih dokaza, Tužilaštvu će biti dostavljen odgovarajući izvještaj.

Post Views: 316

Podijeli



Leave a Reply

Vaša email adresa neće biti objavljivana. Neophodna polja su označena sa *

Name *

Email *

Website

Add Comment *

Objavi komentar